

wort gheslaghen myt den zweren
 des wreden dodes. **O** gloriose steerne
 des meers com ons hulpe ende ver
 loese ons vandie suete der pestilencie
Berhoer ons want dyn soen niet
 weygherende eert dy **M**aech ons ge
 sunt **O** Jesu voer wen die moeder en
 ionffer bidt **O** suete Jesu marie soen
V. Bidt voer ons hl. go. moe. Dat
 wy moeten ontgauen die pestilencie
 ende verrijghen die beloften cristi.
O god der barmhertich. **Collecta**
 god der goedertierenh. en der verghif
 nisse. die dy heuest ontfermt ouer die
 quellinghe dints volckes en sprekest
 toe den enghel die dat volck sloech.
 het is ghenoech. holt nu dyn hant.
Doer die liefde deser glorioser steerne
 wes ionfferlike borsten du soetelick
 heuest ghesoeghen teghen dat ve
 nijn onser sonden verleen os hul
 pe dijner ghenaden op dat wy ver